

**RELACION SHPJEGUES
PËR
PROJEKTVENDIMIN
“PËR MIRATIMIN E METODOLOGJISË SË PËRCAKTIMIT TË
ÇMIMIT TË AKSESIT NË INFRASTRUKTURË DHE ÇMIMET
REFERUESE TË AKSESIT”**

I. QËLLIMI I PROJEKTAKTIT DHE OBJEKTIVAT QË SYNOHEN TË ARRIHEN

Projektakti vjen si propozim i Ministrit për Infrastrukturën dhe Energjinë, në zbatim të pikës 6, të nenit 7, të Ligjit Nr. 120/2016 “Për zhvillimin e rrjeteve të komunikimeve elektronike me shpejtësi të lartë dhe sigurimin e të drejtës së kalimit” dhe synon plotësimin e kuadrit të nevojshëm nënligjor të këtij ligji. Ky projektakt ka për qëllim të miratojë metodologjinë e përcaktimit të çmimit të aksesit në infrastrukturë, si dhe çmimet referuese të aksesit.

II. VLERËSIMI I PROJEKTAKTIT NË RAPORT ME PROGRAMIN POLITIK TË KËSHILLIT TË MINISTRAVE, ME PROGRAMIN ANALITIK TË AKTEVE DHE DOKUMENTE TË TJERA POLITIKE

Projektakti vjen si nevojë e plotësimit të kuadrit nënligjor në zbatim të ligjit Nr. 120/2016 “Për zhvillimin e rrjeteve të komunikimeve elektronike me shpejtësi të lartë dhe sigurimin e të drejtës së kalimit”.

III. ARGUMENTIMI I PROJEKTAKTIT LIDHUR ME PËRPARËSITË, PROBLEMATIKAT, EFEKTET E PRITSHME

Ligji Nr. 120/2016 “Për zhvillimin e rrjeteve të komunikimeve elektronike me shpejtësi të lartë dhe sigurimin e të drejtës së kalimit”, në pikën 6, të nenit 7 “Zgjidhja e mosmarrëveshjeve në rast refuzimi të së drejtës për akses në infrastrukturë”, ka parashikuar miratimin e metodologjisë së përcaktimit të çmimit të aksesit dhe çmimeve referuese për të ndikuar në lehtësimin e ndërtimit të rrjetit të komunikimeve elektronike me shpejtësi të lartë.

IV. VLERËSIMI I LIGJSHMËRISË, KUSHTETUTSHMËRISË DHE HARMONIZIMI ME LEGJISLACIONIN NË FUQI VENDAS E NDËRKOMBËTAR

Projektakti është hartuar në mbështetje të nenit 100 të Kushtetutës si dhe të pikës 6 të nenit 7 të ligjit Nr. 120/2016 “Për zhvillimin e rrjeteve të

Relacion shpjegues për Projektvendimin “Për miratimin e metodologjisë së përcaktimit të çmimit të aksesit në infrastrukturë dhe çmimet referuese të aksesit”

komunikimeve elektronike me shpejtësi të lartë dhe sigurimin e të drejtës së kalimit”.

V. VLERËSIMI I SHKALLËS SË PËRAFRIMIT ME ACQUIS COMMUNAUTAIRE (PËR PROJEKTAKET NORMATIVE)

Projekt akti nuk transponon ndonjë akt të veçantë të acquis së BE-së.

VI. PËRMBLEDHJE SHPJEGUESE E PËRMBAJTJES SË PROJEKTAKTIT

Projekt akti është i organizuar në 8 nene si më poshtë:

Në nenin 1 “Objekti dhe qëllimi”, përcaktohet objekti i dokumentit dhe qëllimi i tij. Objekt është përcaktimi i metodologjisë së përcaktimit të çmimit të aksesit në rrjetet e infrastrukturës pasive, si dhe çmimet referuese të aksesit në këto rrjete, me qëllim zhvillimin e rrjeteve të komunikimeve elektronike.

Në nenin 2 “Përkufizime”, jepen përkufizimet e termave të përdorura në këtë projektakt.

Në nenin 3 “Parime të përgjithshme”, përcaktohen parimet e përgjithshme mbi të cilat bazohet përcaktimi i çmimit të aksesit në rrjetet e infrastrukturës pasive, për zgjidhjen e mosmarrëveshjeve nga Autoriteti Përgjegjës.

Në nenin 4 “Aksesi në infrastrukturën pasive”, parashikohet se çfarë përfshin dhe çfarë jo, ky akses në infrastrukturën pasive.

Në nenin 5 “Përcaktimi i çmimit të aksesit”, parashikohet me dispozita sesi autoriteti përgjegjës rregullator, për zgjidhjen e mosmarrëveshjes përcakton çmimin e aksesit bazuar në një nga metodologjitë e këtij akti.

Në nenin 6 “Metodologjitë për përcaktimin e çmimit të aksesit”, parashikohen 4 llojet e metodologjive të rekomanduara për përcaktimin e çmimit të aksesit në infrastrukturën pasive.

Në nenin 7 “Vendosja e çmimit të aksesit”, parashtrihen kërkesat mbi të cilat bazohet vendosja e çmimit të aksesit të rrjetit.

Në nenin 8 “Çmimet referuese”, cilësohet koha për çmimet referuese dhe rishikimi periodik i tyre.

VII. INSTITUCIONET DHE ORGANET QË NGARKOHEN PËR ZBATIMIN E AKTIT

Institucionet që ngarkohen për zbatimin e këtij projektakti janë organet e percaktuara në nenin 7, të Ligjit Nr. 120/2016 “Për zhvillimin e rrjeteve të komunikimeve elektronike me shpejtësi të lartë dhe sigurimin e të drejtës së

Relacion shpjegues për Projektvendimin “Për miratimin e metodologjisë së përcaktimit të çmimit të aksesit në infrastrukturë dhe çmimet referuese të aksesit”

kalimit” në rastin e zgjidhjes së mosmarrëveshjeve për aksesin në infrastrukturat ekzistuese.

VIII. PERSONAT DHE INSTITUCIONET QË KANË KONTRIBUAR NË HARTIMIN E PROJEKTAKTIT

Projektakti është hartuar nga një grup pune me ekspertë nga tre institucione të përfshira në proces, MIE, AKEP dhe ARRSH.

IX. RAPORTI I VLERËSIMIT TË TË ARDHURAVE DHE SHPENZIMEVE BUXHETORE

Projektakti nuk ka ndikim në të ardhurat dhe shpenzimet e buxhetit të shtetit.

MINISTRI

BELINDA BALLUKU

Relacion shpjegues për Projektvendimin “Për miratimin e metodologjisë së përcaktimit të çmimit të aksesit në infrastrukturë dhe çmimet referuese të aksesit”